



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita S. Liborii Episcopi, Calcvlo Laborantivm Patroni**

**Bolland, Johannes**

**Antverpiae, 1648**

Ill[ustrissi]mo et Rev[erendissi]mo Domino Fabio Chisio Episcopo  
Neritonensi, S. D. N. innocentii X. Pont. Maximi ...

**urn:nbn:de:hbz:466:1-12748**

ILL<sup>MO</sup>. ET REV<sup>MO</sup>. DOMINO

FABIO CHISIO

EPISCOPO NERITONENSI,

S. D. N.

INNOCENTII X.

PONT. MAXIMI

Ad conuentū Monasteriensem,  
pro pace vniuersali consti-  
tuendâ, cum potestate LE-  
GATI A LATERE,  
NUNTIO APOSTOLICO,



*L*igvam hanc, IL-  
LVSTRISSE  
PRÆSVL, patere  
*in lucem edi, Tuo di-*  
*catam nomini, lucu-*  
*brationem, de Vitâ, Translatione,*  
*Miraculis sanctissimi Episcopi LI-*

† 3

BQ=



BORII, Patroni laborantium calculo, dati olim VVestphalis, ad pacis cum Galliâ securitatem. Quæ tria in personam dignitatemque Tuam scitè congruere, inficiari nemo potest.

Nam primùm LIBORII virtutes ita moribus exprimis, ut vel hanc iam antè habuisse præ oculis Vitam, ad cuius normam Tuæ exigeres modum, vel Tuam certè, ab eodem Diuino Spiritu conformatam, in hoc veluti speculo nunc intuiturus credi meritò possis. Etenim si quibus verbis LIBORIVM vetus scriptor celebrat, eadem planè in Te velim usurpare, intelligent, quicumque Te nouère, nihil à me supra verum exaggerari.

Ille non ignobili ortus proficiat, ab ætate primæuâ maturum in bonis actibus cor gerebat, adeò verò sese humilem & quic-



quietum & timentem sermo-  
nes Domini exhibebat, vt meri-  
tò super illum Spiritus sancti  
gratia requieuisse credatur, quæ  
illum ad sacerdotij dignitatem,  
ad regimen fidelis populi nu-  
triebat. Hæc illius animo fla-  
grantissimum discendi studium  
inspirauerat, quatenùs cæle-  
stium fluentis arcanorum, ipsius  
præcordiorum intima salubri-  
ter implerentur. Cunctarum fe-  
rè sibi vtilium scientiam Scri-  
pturarum satagebat intentus  
auditor acquirere. Nec deerat  
sagacis ingenij vigor, largam  
bono studio efficaciam submi-  
nistrans. Denique simul cum  
processu temporis, probitatis ac  
sophiæ proficiens incrementis,  
ita in breui maturitatem virilis  
ornabat ætatis, vt acceptus apud



omnes, & tam honore quàm  
amore dignus haberetur. Nec  
mirum; quippe quem nulli elat-  
tio proteruum, nulli asperum  
liuor, nulli contemptibilem fe-  
cit ignauia: sed humilitas etiam  
infimis coaptaret, caritas cun-  
ctis exhiberet affabilem & con-  
formem. Postquàm Clero asso-  
ciatus, ac officijs est functus Ec-  
clesiasticis, ampliùs totum se  
Diuino cultui visus est manci-  
pare. Studebat namque cunctos  
actus cogitatusque suos ad ra-  
tionis normam dirigere, cir-  
cumspectus ac prouidus, doc-  
lisque & cautus existere, aduersa  
vel prospera æquanimiter ferre,  
animam supra temporalis peri-  
culi metum fortiter agere; ha-  
bere de Dei bonitate fiduciam,  
securitatem, constantiam, tole-  
ran-



rantiam, firmitatem; in nullo  
legem moderationis excedere,  
Hinc modestus & abstinens,  
castus & honestus, parcus & so-  
brius, ante Deum & homines  
permanebat. Iam verò in illo  
propositum æquitatis iustitiæ-  
que seruandæ quis vnquam di-  
gnè valeat explicare? Quis eius  
circa innocentiam, humanita-  
tem & **C O N C O R D I A M** stu-  
dium, quis erga pietatem & reli-  
gionem enarret affectum? Ei ad  
docendum suppetebat linguæ  
disertitudo, ad doctrinam ex-  
emplis firmandam vitæ rectitu-  
do, ad exorandum pro subditis  
Deum meriti magnitudo. Sus-  
cepto verò sacerdotio, nihil ex  
studio sanctitatis, quam prius  
exercuerat, dereliquit: sed tan-  
quàm lucernam super candela-  
† 5 brum



brum posita, ita ille Diuinâ luce repletus, quò in eminentiore constitutus est loco, eò latius in Dei collatæ sibi gratiæ notitiâ refulgebat. Neque illum tantæ dignitatis honores solitæ religionis mutare fecerunt mores, nec Ecclesiasticorum occupationes negotiorum quidquam ex quotidianâ Diuinæ laudis & placationis seruitute prætermittere coëgerunt. Ob hoc nullius momenti spatium otiosè transigere volens, semper erat utilis intentus actibus, nunc lectioni Diuinarum Scripturarum operam impendens, nunc orationi prolixius incumbens, interdum etiam rerum exteriorum dispositioni, prout suo conueniebat officio, prudenter consulens atque prospiciens.

*Hæc*



Hæc aliaque de LIBORIO scri-  
ptor antiquus. Quæ si de FABIO  
CHISIO prædicem vniuersa, mini-  
mè verebor, ne quis me Tibi, ILLV-  
STRISIME PRÆSVL, suspice-  
tur assentari voluisse: qui verissimæ  
laudationis testes habeam, quotquot  
Tecum Monasterij egerunt, Regum  
Rerumque publicarum totius Euro-  
pæ Feciales, Italos, Hispanos, Francos,  
Allobroges, Burgundiones, Germa-  
nos, Belgas, etiam eos qui necdum in  
sacrorum communionem cum Roma-  
nâ Ecclesiâ rediêre, Tuæ tamen inte-  
gritatis ac sapientiæ, quam non incu-  
riose contemplati sunt, non dissimu-  
lant apud gentiles suos præconia. Ne-  
que ipse inficiari potes, ab harum vir-  
tutum, quas recensui, studio, nullam  
vitæ Tuæ partem abhorruisse: ut vel  
idcirco acceptam Tibi S. LIBORII  
Vitam fore confidam, quòd earum  
virtu-



virtutum exempla, etsi iam à Te occupata, propositura sit.

An verò illud negabimus accipi in omen Liborianæ laudis potuisse, quòd simul in Germaniam veneras, acutissimis calculi doloribus torqueri cœpisti? siue ille sedentarij studij, cui à primâ etate, eruditionis amore, insueueras, fructus fuit; siue id cæli rigor potuit, aut sidus aliquod: ut iam tum præsentires, quibuscum mortalibus diu multumque versari Te deinceps oporteret; quibus, ad omnem licet cultum humanitatis & naturâ factis, & optimarum artium tractatione perpolitus, rigor tamen quidam Martius in ferrum ac saxa videtur animos hisce temporibus glaciasse. At postquam Tibi, ingenti plurium dierum cruciatu, excisa interanea illa est petra, medicis ipsis constantiæ Tuæ miraculo attonitis; ne quando renasci,  
ut



vt subinde solet, feralis illa glare a pos-  
sit, lenius, Tuæque pietati congruen-  
tius, in S. LIBORII patrociniò, pa-  
ratum Tibi præsidium erit. Quis scit,  
an non etiam ipsius deprecatione,  
quòd Tuam operam VVestphaliæ sibi  
creditæ salutarem nouerat fore, ea ti-  
bi tam feliciter sectio curatioque eue-  
nit?

Aliud exinde plures iam annos, la-  
bore planè Sisyphio, voluendum Tibi  
saxum fuit: vt hostiliter dissidentes  
Christianorum Principum ac populo-  
rum mentes ad concordie studium fle-  
eteres, diuque exoptatam orbi resti-  
tueres pacem. Hic Tu etiamnum,  
quod alteri Episcopo olim inculcabat  
Apostolus, instas opportunè, im-  
portunè, arguis, obsecras, incre-  
pas, in omni patientiâ & doctri-  
nâ: ita tamen, vt queri Tibi fortasse  
nonnumquam cum Psalmistâ iure li-  
ceat:



ceat: Habitaui cum habitantibus Cedar: cum his qui oderunt pacem, eram pacificus.

Hoc quoque S. LIBORII habes. Multa ille, dum viueret, aspera perpeffus, Gallias identidem irrupentibus à Germaniâ ac populantibus Barbaris; suffulfit tamen virtute ac sapientiâ Ecclesiam, Catholicos confirmauit, templa plurima erexit, rudes instruxit, omnes ad pietatis studium inflammauit: ac demum quadringentis ferme & quinquaginta post mortem annis in VVestphaliâ (quæ pars occidua ac validissima veteris Saxonie) est translatus, ad stabiliendam eius prouinciæ tranquillitatem, religionis orthodoxæ integritatem, cum Francorum gente amicitiam. Cum enim victricibus Magni Caroli armis domiti Saxones, datam Christo fidem sepius fallerent,

tum



tum nature quadam imbecillitate &  
inconstantia identidem ad auitos ri-  
tus respectante, tum demonum astu  
continuisque illecebris, tum denique  
vicinorum Sclauorum ac Danorum  
instigatu; curauit sapientissimus An-  
tistes Baduradus, S. LIBORIE  
Reliquias, vt publica pietatis incita-  
mentum, arrham quietis, aduersus  
Barbaros presidium, pignus firmæ  
cum gente Francorum amicitie, imò  
cuiusdam cum ipsis Galliarum Eccle-  
sijs (vt appellarunt) fraternitatis,  
Ludouici Pij Imperatoris auctori-  
tate, S. Aldrici Præsulis munificen-  
tia, Cenomanorum populi assensu, plu-  
rimarum Urbium festiuâ gratulatio-  
ne, Saxonum incredibili concursu, ad  
urbem suam Paderbornam transf-  
ferri.

Neque nunc minor est illius ami-  
citie fraternitatisque restituendæ ne-  
cessi-



cessitudo; cū tot iam annos, in infi-  
nitā hominum cæde, excidijs urbium,  
vastationibus regnorum, victrix  
triumphet impietas, vltimi Septem-  
trionis potentiā subnixa: ac pericu-  
lum sit, ne omni Christianæ Reipub.  
robore ac veluti sanguine exhausto,  
peruadendum crudelissimo Turcarum  
tyranno prostituat, quod superest Eu-  
ropæ. Propterea Te **VRBANVS VIII.**  
primū, dein **INNOCENTIVS X.**  
Pontifices Maximi, Liboriano quo-  
dam, vt ita loquar, fato, in eandem  
Westphaliam legarunt, vt inuicem  
rursus consocias conturatas in mu-  
tuam perniciem nationes. Aderit hīc  
quoque, ne dubita, **LIBORII** auxi-  
lium, ad suorum Saxonum salutem  
intenti. Prouehet ille conatus Tuos,  
qui etiam Vestram, hoc ipso tempore,  
nouo beneficiorum suorum splendore  
illustrauit Italiam. Quique saxa in  
ipsis



*ipsis hominum coagulata corporibus  
dissoluit, duritiem tandem emolliet  
animorum.*

*Accipe igitur, ILLUSTRISSIME  
PRÆSUL, obseruantia in Te meæ  
tenue pignus, libellum hunc, virtutes  
S. LIBORII, antiquitus descriptas,  
Translationem, Miracula continen-  
tem. Illud voueo, vt quibus auspicijs  
Antistitum ac Regum, quâque popu-  
lorum alacritate ac fructu, ante annos  
DCCCXII. hoc ipso die v Kalend. Iu-  
nij, Paderbornam primùm eius allatæ  
Reliquie sunt; iisdem breui illius ac  
reliquorum cælitum legitima venera-  
tio, aduersùs sacrosanctum Numen  
pura religio, prouinciarum tranquil-  
litas, Tuis laboribus asserta, sancia-  
tur. Ita Deum ac Sanctos precor,*

*ILL<sup>M.E.</sup> ET REV<sup>M.E.</sup> D.T.*

*humillimus cliens*

*IOANNES BOLLANDVS.*

††

PIO